

Nunanut allanut Poortukkat

POST Greenlandip Niuernerimi piumasaqaatai 1. januar 2013-imeersut

Niuernerimi piumasaqaatit uku Nunanut allanut Poortukkanik nassiussinermu atuupput. Niuernerimi piumasaqaatitun tapiliussatut Allakkerineq pillugu *Inatsisartut inatsisaanni nr. 3, 15. april 2011-meersumi* malittarisassat kiisalu POST Greenlandip allakkanik ingerlassisarnermi pisussaaffii kisermaassissusaataitaneralu il.il. pillugit *Namminersorlutik Oqartussat nalunaarutaat nr. 9, 24. Juni 2011-imeersoq* aammattaq atuupput.

Nunanut allanut Poortukkat tassaapput poortukkat nunani allani tiguisussanut, aamma Savalimmiuni Danmarkimilu tiguisussanut nassiunneqartussanngorlugit POST Greenlandimut tunniunneqartut.

1. POORTUKKAT (A Prioritaire-t)

1.1 Ingerlanneqarnerisa sivissussusaat

Poortukkat (A Prioritaire-t) ingerlanneqarnerisa sivissussusaannut nuna Poortukkat (A Prioritaire-t) nassiunneqarfiat apeqqutaavoq. Nunanut tiguisussanut ingerlanneqarnerisa sivissussusaat pillugit allakkeriviit annertunerusumik paasisstusissinnaapput.

1.2 Poortukkat angissussisaat

Nunat allat sinnerinut poortukkanut angissutsit uku atuupput:

Minnerpaaffissaq: 14 x 9 cm. Poortugaq ammalortutut amilimasutulluunniit isikkoqaruni: takissuseq 10 cm aamma takissuseq + 2 x diameter/ portussuseq = 17 cm.

Annerpaaffissaq: takissuseq 150 cm aamma takissuseq + uuttuut takissutisip tungaanut ingerlatinnagu kaajallallunili uuttutigisaaq annerpaaq = 300 cm. Taamaattoq nunat ilaasa angissutsinut uuttuutit killissaat minnerit aalajangersagaraat.

Danmarkimut Savalimmiunullu angissutsit annerpaaffissaat immikkut ittut: takissuseq 220 cm. aamma takissuseq + takissutisip sammivianit allaanerusoq kaajallanneq uuttorneqartoq annerpaaq = 360 cm.

Danmarkimut Savalimmiunullu poortukkat taamaattoq oqimassuseqassapput 31,5 kg-nik.

Annerpaaffissaq: takissuseq 220 cm. aamma takissuseq + takissutisip sammivianit allaanerusoq kaajallanneq uuttorneqartoq annerpaaq = 360 cm.

1.3 Oqimaassuseq

Poortukkat poortuutini ilanngullugu oqimaannerpaaffissaraa 30 kg. Taamaattoq nunat ilaasa oqimaassusimut killissat minnerit aalajangersagaraat. Poortukkat Danmarkimut nassiussat taamaattoq 31,5 kg-t oqimaassuserissavaat.

1.4 Imai

Poortukkat imaa akitsuusigassaanersooq kiisalu nunami tiguisussami malittarisassat malillugit Poortukkat imai nunamut nassitsivigisamut eqqunneqarsinnaasuunersut, taamaappallu malitassat suut tunngavigalugit tamatuma pisinnaanera misissussallugu nassiussisup akisussaaffigaa. POST Greenlandip pissutsit tamakku misissorneq ajorpai aammalu tamakku pillugit siunnersuisinnaanani. Taarsiulluguli nassiussisumut inner-suussutigisarlugu nunap nassitsiviusussap oqartussaasui, soorlu aallartitaqarfii konsulateqarfiilluunniit saaffigeqqullugit.

Poortugaq makkuninnga imaqaassanngilaq:

- Aningaasat, check-it angalanermi atugassat, allagartaatit, saffiugassat erlinnartut, soorlu platin, guulti aamma sølvi, ujaqqat erlinnartut kiisalu pigisat akisuut. Poortukkat imaat tamakku taamaattoq killiikkamik nalilerlugit Poortukkat Nalilittut nunat ilaanut nassiunneqarsinnaapput. Allagartaatit paasineqassapput akiitsut allagartaat, aktiat, check-it cross-igaanngitsut, akiitsukkanut uppernarsaatit, nalilinnut uppernarsaatit aammalu allagartaatit allat aningaasanik nalilinnut uppernarsaataasut aammalu allagartaammik tigumminnittup kinaanerani uppernarsaasuusunik allagartaammik tunniussinissamut, allagartaat naapertorlugu aningaasanik akilerneqarissamut, pigisat nuunneqarsinnaasut tiginissaannik piumasaqarnermut imaluunniit allagartaat

naapertorlugu kiffartuussinermik sullinneqarissamik piumasaqarnermut.

- Imarisat ulorianaatillit. Imarisat ulorianaatillit tassaapput akuutissat atorussalluunniit, ilutsimikkut akumikkulluunniit inunnut, uumasunut, avatangiisinut (assersuutigalugu nioqqustissiornermi maskinanut aammalu nassiussanut allanut) imaluunniit angallas-sissutigisanut ulorianaateqarsinnaasut, tassunga ilaallutik FN-ip malittarisassiaani „UN Recommendations on the Transport of Dangerous Goods. Models regulations“-imi qaqugukkulluunniit nassiussatut ulorianaatillit pineqartut. „Nassiussat ulorianaatillit, POST Greenland aqquutigalugu nassiuteqqusaanngitsut“ www.post.gl -imi takuneqarsinnaapput aammalu allakkerivimmit ilisimatitsissutigineqartarlutik.
- Nunap immallu uumasui uumasut, tassani pineqarlutik igutsaat, sullerngit sullineqatiminnik ajoqutaasunik akiusussat (rovvider), uumasullu allat qimerloqanngitsut.
- Aallaasit
- Imassat, qaartartut assigisaallu ilanngullugit.
- Nioqqustissat peqquserulluni assilisat salloqittaasiiallu.
- Inuit uumasullu toqungasut timaasa sinnikui.
- Suulluunniit suunertik imaluunniit poortorneqarnermik pissutigalugu allakkerivimmi sulisunik ulorianartorsioritsisnaasut imaluunniit nassiussanik allanik allakkerinermiluunniit atorunik mingutserisnaasut aseruisinnaasulluunniit.

1.5 Poortorneri

Nassiussisup Poortukkat poortorluarneqarsimanissaa akisussaaffigaa. Taamaallunni nalinginnaasumik allakkerinikkut suliarineqarnerani imaasa isumannaatumik illersorneqarnerat qulakkeerneqarsinnaaqullugu, kiisalu allakkar nassiussanik allanik, POST Greenlandimik allanilluunniit ajoqusiinnaanera pinngitsoortissinnaaqullugu. POST Greenlandip poortuutit misissornissaa pisussaaffingngilaa. Poortukkat nassiunneqartussatut tunniunneqarnerani POST Greenlandip paasippagu Poortugaq isumannaatumik poortugaasimangitsooq, POST Greenland naliliini naapertorlugu Poortukkamik tiguisinissaminik itigartitsisnaataavaoq imaluunniit nassiussisooq uppernarsaammik atsiqqusinnaallugu, Poortugaq nassiussisup akisussaaffigisaanik nassiunneqartoq.

Atortut elektroniskiusut, soorlu qarasaasiat, skærminut display-it, fjernsynit, radiot il.il. sananeqarfimminnit poortuutigisaminnik pooqassapput.

Imarisat qajannartut (soorlu igalaamerngit/marraat) imaluunniit imerpalasut, poortuutissat POST Greenlandip akuerisai poortuutigalugit taamaallaat nassiunneqarsinnaapput.

Poortukkat mianersuutassat nassiunneqarsinnaanngillat.

1.6 Nalunaaqutsiineq

Poortukkat (A Prioritaire-p) saqqaani „Prioritaire“ nalunaaqutsiunneqassaaq imaluunniit meqqilerneqassalluni „A Prioritaire“-mik.

1.7 Adressekortit – immersugassat

Nassiussisup immersugassat immikkut ittut (adressekortit) Poortukkamut atugassarai. Immersugassat allakkerivimmi pineqartarput, nassiussisumiillu immersorneqassallutik. Immersugassat nassiussisup aqqanik naqinneqareersimasut amerlasuunngorlugit aki-liinikkut pineqarsinnaapput.

1.8 Allakkerivimmut tunniussineq

Poortukkat allakkerivimmut tunniunneqassapput. Immikkut isumaqatigiissuteqarinnikkut Poortukkat nassiussisussamut aaneqarsinnaapput. Naammagittaalliornermi uppernarsaat nassarneqassaaq.

1.9 Piumasaqarsinnaatitaaffik

Poortukkanik nunan nassitsiviusunut arlalinnut nassiussinermi Poortukkami tiguisussatut qaatuuliussamut tunniunneqarissaata tungaanut, nassiussisooq Poortukkamut utertinnissaanik imaluunniit tiguisussamut allamut tunniunneqarissaanik piumasaqarsinnaatitaavoq. POST Greenland Poortukkat utertinneqartup nassiunneqarnermini

akianik utertitsineq ajorpoq. Nassiussisup piumasaqarsinnaatitaaffik atorsimappagu, POST Greenland suliassap allangorteqquneqarneranut suliakkersuummut akiliuteqartitsisinaatitaavoq. Akiliuteqartitsineq siusinnerpaamik akileqquneqassaaq, nassiussaq allakkerivimmit nassitsivigisamut ingerlatineqareersimappat. Nunami tiguisiffiusumi allakkerisoqarfiup pisut ilaanni allakkap allamut ingerlateqqinneqarneranut tapiliussassaq akiligassanngortissavaa.

1.10 Tiguisussamut tunniussineq

Nunami tiguneqarfissaani Poortukkanik tiguisussamut tunniussinermut malittarisassat atuuttut malinneqassapput.

1.11 Poortukkat apuunneqarsinnaanngitsut

Poortukkat apuunneqarsinnaanngitsut nunami tiguneqarfissaanni malittarisassat atuuttut malillugit suliarineqartarput. Assersuutigalugu makku pissutaallutik nassiussat apuunneqarsinnaasannngillat: Tiguisiumasoqanngilaq, tiguisusaaq najukkami ilisarismaneqanngilaq, qaatiguuliornera amigarpoq assigisaalu.

1.12 Allakkerinermi isertuussisussaaneq nassiussanillu ammaaneq

Nassiussisup allakkerivimmik atueri sumulluunniit tunngasut POST Greenlandip isertuussasara. Pisuni immikkorluinnaq ittuni Kalaallit Nunaanni Ilanngaaserinermut oqartussasunut kiisalu Kalaallit Nunaanni Politeeqarnermut oqartussasunut tunngassuteqartuni, POST Greenland taamaattoq paasissutisani taakkununga tunniussisusannngortinneqarsinnaavoq.

Nassiussat apuunneqarsinnaanngitsut pillugit pisuni immikkut illuinnartuni *Namminersorlutik Oqartussat nalunaarutaanni nr. 9 24. juni 2011-meersumi* allassimasunut ilaasuni, POST Greenland Poortukkamik ammaasinnaatitaavoq.

1.13 Akit

Akit qaqugukkulluunniit atuuttut allattorsimaffiat www.post.gl -imi aammalu allakkerivinni takuneqarsinnaapput, tassanilu aamma akit atuuttut tamaasa pillugit paasissutissiisoqartarpoq.

Akinik allangortoqartillugu nunatsinni tusagassiuutit aqutugalugit tamanna pillugu ilisimatitsisoqassaaq.

1.14 Akiliineq

Aki nassiussassamik tunniussinermi aningaasannngorlugu akilerneqassaaq nassitsisoq akiligassarsinissamik allaganngorlugu POST Greenlandimik isumaqatigiisuteqarsimanngippat.

1.15 Taarsiissuteqartarpoq

POST Greenland Poortukkap kinguaattoorneranut taarsiissuteqarpoq ajorpoq.

Poortugaq tammarsimappat imaluunniit ajoqusersimappat, imaluunniit Poortukkap imai tamakkiisumik ilaannakortumilluunniit aserorsimappata, ajoqusernerannut taarsiisoqassaaq 2.500 kr.-it angullugit angissusillimmik.

POST Greenlandili taarsiissusaaq ajorpoq tammarnera innarlernaluunniit nassitsisup kukkunerippagu, nassiussap qanoq iluseqarnera, qajannartumik poortorneqarsimappat imaluunniit pissutsit POST Greenlandip ingalassinnaanngisai atuuppata kingunerilu POST Greenlandip pinngitsoortissinnaanngit. Ajoqusernermut takoriaannaanngitsunut taarsiisoqarpoq ajorpoq, aammalu taarsiisoqassanani atorlut elektronikusut nassiunneqarnerminni puussaviinik poortorneqarsimanngippata. Iluaqutissanut annaasanut, ujariatsinermut, nalikillinerani annaasanut imaluunniit ajoquserner toqqaannngikkaluartumik kingunerisaanut allanut taarsiisoqarpoq ajorpoq.

Poortugaq aserorneqartoq pillugu POST Greenlandimut maalaaruteqarpoq, imaluunniit Poortukkap imaanik tamakkiisumik ilaannakortumilluunniit annaasaqarnermut, ersittumik aserorsimaneranut imaluunniit imaanik tamakkiisumik ilaannakortumilluunniit annaasaqarnermi maalaaruteqarpoq, Poortukkap tigunerani erngerluni pissaaq. Piffissaliussaq qaangereersoq maalaaruteqaraanni, allamik uppersaataissaqartoqanngippat tunngavigineqassaaq Poortugaq nassiunneqarnissaminut tunniunneqarnermini aserorsimanngitsoq imaalu aseqqakuunngitsut. POST Greenland taarsiissusaaqunnaartarpoq POST

Greenlandimut piumasaqaat Poortukkap tiguneraniit qaammatit 12-it qaangiutsinnagit nalunaarutigineqarsimanngippat.

POST Greenlandip taarsiissuteqartussaaneranut *Namminersorlutik Oqartussat nalunaarutaanni nr. 9, 24. Juni 2011-meersumi* malittarisassat aamma atuuppap.

Niuernermi piumasaqaatini ukunani, tassalu imm. 1.4-imi aamma 1.5-imi piumasaqaatiniit kiisalu Poortukkanut Nalilinnut tunngatillugu imm. 3-mi piumasaqaatini, poortukkap imaanut poortorneqarsimanissaannullu piumasaqaataasunik malinninginernerup kingunerisaanik POST Greenlandip annaasaqaatigisaanut tunngatillugu, nassiussisoq pissaavaoq POST Greenland qanoq ittumilluunniit annaasaqatsaalissallugu. Tamakku saniatigut Kalaallit Nunaanni eqqartuussiveqarnerup malittarisassai nalinginnaasut malillugit nassiussisoq taarsiissusaaqtaavoq.

1.16 Maalaarutit

Nassiussisup tiguisussalluunniit POST Greenland Poortukkamik ingerlassinera pillugu maalaarutiginaruniuk, maalaarutini najukkami allakkerivimmut tunniussimassavaa nassiussap POST Greenlandimut tunniunneraniit qaammatit 12-it qaangiutsinnagit. Allakkeriviup aalajangernera POST Greenland, Qullersaqarfik, Postboks 9999, 3900 Nuummut ingerlatineqassaaq aalajangiiffigisassatut.

POST Greenlandip Qullersaqarfiata aalajangernera Naalakkersuisunut maalaarutigineqarsinnaavoq. *Inatsisartut inatsisaanni nr. 3, 15. april 2011-meersumi § 22a* naapertorlugu aalajangiinerup maalaarutigineqartup tigunerata kingorna sap. ak. sisamat qaangiutsinnagit maalaarutiginnitoqarsinnaavoq.

2. ØKONOMIPOSTPAKKE-t (B Economique-t /umiarsuakkut nassiussat)

Poortukkat umiarsuakkoortut (B Economique-t) Poortukkanut timmisartukkoortunut (A Prioritaire-nut) tunngatillugu niuernermi piumasaqaatini ilaapput, takuuk imm. 1, mak-kuninngali allaassuteqarlutik:

2.1 Ingerlanneqarnerisa siviussusaat

Poortukkap umiarsuakkoortup (B Economique-p) ingerlanneqarnerata qanoq siviutigineranut poortukkap nunamut sorlermut nassiunneqarnera apeqqutaavoq, Poortukkanulli (A Prioritaire-nut) sanilliullugu siviuneruvoq. Nunanut tiguisussanut ingerlanneqarnerisa siviussusaat pillugit allakkeriviit annertunerusumik paasissutissiisinnapput.

2.2 Nalunaaqutsiineq

Poortukkap umiarsuakkoortup (B Economique-p) saqqaaani ilisarnaasiisoqassaaq „B“-mik imaluunniit meqqilerneqassalluni „B Economique“-mik.

3. POORTUKKAT NALILLIT

Poortukkat, nunat tiguisiffiusussat ilaannut Nalillittut nassiunneqarsinnaapput. Nunat sorliit Poortukkanik Nalilinnik nassitsiffiusinnaanersut allakkerivinni paasineqarsinnaapput. Poortukkat Nalillit Poortukkanut timmisartukkoortunut (A Prioritaire-nut) niuernermi piumasaqaatini imm. 1 naapertorlugu ilaapput, taamaattoorli makkuninnga allaassuteqarlutik:

3.1 Imai

Nunat tiguisiffiusussat ataasiakkaat Poortukkamik Nalilimmik nassinneqartussat poortukkap nalinganik annerpaaffiliussaqarput. Nunat tiguisiffiusussat ilaannut aamma Poortukkat Nalillittut nassiussat imaannut killilersuisoqarpoq, tassa Poortukkanut Nalilinnut nassiutequsaanngillat aningaasat kiisalu guulti solvilu aningaasaliarinqanngitsoq. Tamakku pillugit paasissutisani annertunerusunik allakkerivinni paasisaqartoqarsinnaavoq, kisianni nassitsisup misissugassaraa aningaasat allanneqartut aammalu nassiussap imai Poortukkat Nalillittut nassiunneqartut nunamut nassitsiffiginakkamut nassiunneqarsinnaanersut.

Poortugaq Nalilik aningaasanik aamma/imaluunniit allagartaatinik imaqarsimaguni, imaasa nalingisa poortukkami ataatsimi kr. 25.000-it qaangereersimassanngilaat.

Allagartaatit nalingat naatsorsorneqartarpoq allagartaatip nalinga allassimasooq tunngavigalugu. Allagartaammi aningaasat nalinganik allassimasooqanngippat imaluunniit allagartaammi allassimasup aningaasat naligisarpiaat assiginngippagu, aningaasat allagartaammi allassimasut nassiussisup allassava. POST Greenlandip aningaasannorlugu nalingata nassitsisumit uppenarsarneqarnissaa piumasarisinnaavaa.

3.2 Nalunaaqutsiineq

Poortugaq Nalilik poortukkap saqqaani nalunaaqutserneqassaaq „Værdi/Valeur declaree”-mik, imaatalu nalinga koruuninngorlugu imaluunniit SDR-inngorlugu aammalu naqinnerit atorlugit allanneqassalluni. Naliliussatut allanneqartup nassiussap imarisaata nalinga sinnersimassanngilaa, ajornanngilarli imaata nalingata ilaannaata allanneqarsinnaanera. Poortukkanut Nalilinnut aningaasanik aamma/imaluunniit allagartaatinik imalinnut tunngatillugu naliliussap nalinga allanneqarsimasooq imarisaanut tamatigut naapertuutissaaq.

3.3 Poortorneri

Poortukat Nalililit poortornerat ima qajannaatsigissaaq imatullu suliarineqarsimassalluni susassaqqanngitsunit ammarniarneqarsimanera takuneqanngitsoorinnaassanani. Poortukat Nalililit naqisuserneqarsimassapput lak-iusumik nipittartumilluunniit naqitsivigineqarsimasumik. Poortugaq Nalilik allunaasamik ungeruserneqarsimappat, nipittartooq poortukkamut ungerutigineqartumit ilorliulluni nipitinneqarsimassaaq. Allakkeriviup Poortugaq Nalilik nipittartumik nipititsiviginnaavaa akiliitsisilluni.

Poortukkap Nalilipp puuata sinai qalipaasigaassanngillat imaluunniit allagartaliigaassanatik nipitittakkamik il.il., taamaallaalli allakkerinermi allagartaliussanik nipititsiffigineqarsimassallutik. Poortukkanik Nalilinnik nassiussinermi aningaasat agorsimasut pineqartillugit, poortorneqarsimanissaat immikkut itunik malittarisassaqqarpoq. Tamanna pillugu paasisutissat annertunerusut allakkerivimmi pineqarsinnaapput.

3.4 Allakkerivimmut tunniussineq

Poortugaq Nalilik allakkerivimmut tunniunneqassaaq. Tunniussinermi nassiussisup immersorsinnaavaa uppenarsaat immikkoortoq nassiussisup tigusissallu adressiinik immersuiffissiaasoq, taanna uppenarsaatissaavoq Poortugaq Nalilittut nassiunneqarsimasuusoq. Immersugassiap immersorneqarsimasup tigusimanera POST Greenlandip atsiornikkut uppenarsaasissavaa. Naammagittaallornermi uppenarsaat nassarneqassaaq.

3.5 Taarsiissuteqarneq

Poortugaq Nalilik innarlernerqarsimappat tammarsimappalluunniit POST Greenland taarsiussaavoq annerpaamik 25.000 kr.-inik.

POST Greenlandili taarsiissusaaneq ajorpoq tammarnera innarlerneraluunniit nassitsisup kukkunerippagu, nassiussap qanoq iluseqarnera, qajannartumik poortorneqarsimappat imaluunniit pissutsit POST Greenlandip ingalassinnaanngisai atuuppata, kingunerilu POST Greenlandip pinngitsoortissinnaanagit.

Iluaqutissanut annaasanut, ujariatsinermit, nalikillinerani annaasanut imaluunniit ajoqusernerup toqqaannanngikkaluartumik kingunerisaanut allanut taarsiisoqarneq ajorpoq.

Taarsiisoqarnissaanik piumasaqarneq POST Greenlandimut nalunaarutigineqartussaavoq Poortukkap Nalilipp POST Greenlandimut tunniunneqarneranit qaammatit 12-it qaangiut-sinnagit, taakkulu qaangerneqarsimappata taarseeqqusissut atorunnaartarpoq.

4. NASSIUSSAT AKILEQQAARLUGIT TIGUSASSAT

Poortukat timmisartukoortut (A-t) aamma Poortukat umiarsuakkoortut (B-t), Akileqqaarlugit tigusassatut Danmark-imuinnaq nassiunneqarsinnaapput – aatsaat elektrownisk dataudveksling-imik Post Danmark-ilu isumaqatigiissuteqaqqaarluni. Taamaattumik isumaqatigiissusiorumagaanni POST Greenland-ip qullersaqarfia attavigineqassaaq. Poortukat Akileqqaarlugit tigusassat Poortukatut Nalilittut nassiunneqassapput. Nassiussat annerpaamik aningaasartaqarsinnaapput 25.000 kr.-inik.

Poortukat timmisartukoortut (A-t) aamma Poortukat umiarsuakkoortut (B-t) niuernermi piumasaqaatinut taakkununga ilaapput, takuuk imm. 1 aamma 2, taamaattorli makkuninnga allaassuteqarlutik:

4.1 Nalunaaqutsiineq

Poortukkamik Akileqqaarlugu tigusassannorlugu nassiussinermi nassiussisup immersugassiaq immersussavaa allallugu nassiussisooq tigusissarlugu, kiisalu tigusissap akiligassaasa aningaasat angissusaat. Nassiussisup aammattaq Poortukkap saqqaanut nalunaaqutsiutissavaa/meqqiliutissavaa „A Prioritaire” imaluunniit „B Economique”, kiisalu „Remboursement”, tamatumalu kingorna aningaasat akilerneqartussat kronit ørillu kisitsisut naqitatullu allallugit.

Nassiussisup aammattaq immersugassiaq nassiussap tigunerani akilikkat utimut nassiunniissaannut atugassaq immersussavaa. Allakkeriviit tamanna pillugu annertunerusumik paasisutissisinnaapput.

4.2 Allakkerivimmut tunniussineq

Poortugaq Akileqqaarlugu tigueqartussaq allakkerivimmut tunniunneqassaaq. Tunniussinermi nassiussisup immersorsinnaavaa uppenarsaat immikkoortoq nassiussisup tigusissallu adresseanik immersuiffissiaq, taanna uppenarsaatissaavoq Poortugaq Akileqqaarlugu tigueqartussatut nassiunneqarsimasooq. Immersugassiap immersorneqarsimasup tigusimanera POST Greenlandip atsiornikkut uppenarsaasissavaa. Uppenarsaasiusaaq nassarneqassaaq malaaruteqartoqassagaluarpat.

4.3 Piumasaqarsinnaatitaaffik

Nunami tigusiffiusuni arlalinni nassiussinermi tigusissatut allassimasumut Poortukkap tunniunneqarnissaata tungaanut nassitsisooq piumasaqarsinnaatitaaffeqqarpoq, poortugaq tigusissusamut allamut allannortissinnaallugu imaluunniit tigusissap akiligassaasa aningaasartai allannortissinnaallugit akilersinnagilluunniit tunniunneqartussanngorsinnaallugit. POST Greenland Poortukkap utertinneqartup nassiunneqarnermini akianik utertitsineq ajorpoq. Nassiussisup piumasaqarsinnaatitaaffini atorsimappagu, suliaasap allannortinneqarnissaa pillugu POST Greenland nassiussisooq akitsuummik akiliuteqartissinnaavaa. Nunami tigusiffiusumi allakkerinermit suliaqartup, pisut ilaanni poortukkap allamut ingerlatinneqarnerani nassiussinermit akiata ilassutaa tigusisumut akileqqussavaa.

4.4 Tigusissusamut tunniussineq

Poortukkamik Akileqqaarlugu tigueqartussamik tunniussineq pisarpoq nunami tigusiffiusumi malittarisassat atuuttut malillugit. Nunat tigusiffiusut ilaanni allakkerisoqarfimmit, nassiussap tunniunneqarneranut atatillugu akitsuut, tigusisumut akileqquneqartarpoq.

4.5 Taarsiissuteqarneq

Nassiussisup immersugassami allassimasai aningaasat ilanngullugit akilersinngitsoorlugit poortukkamik Akileqqaarlugu tigueqartussamik tigusissusamut tunniussigaanni, nassitsisup piumasarisinnaavaa aningaasat pineqartut POST Greenlandip akilissagai. Aningaasat annerpaaffissaraat 25.000 kr.